

Yenoquelehuia intlatoa ni in Axayacaton xiquallitta noxochitlacuilolmaton xiquallitlanoxochitlacuilol chichihualtzin oohuia.

Macaçocan on nen huetztiuh yemoyollotzin taxayacaton izcayemomatzin manomati tech xinechonantiuh aa yyaha yia hoxonahuiacan &.

Moxochin petlapan moyeyeyan xolotzin y huian xoncocochi xon ya yamani noconetzin titlatohuani taxayaca yao ohuaya.

---

HUE HUEH CUICATL.

---

Yeconahua intlatohuani axayaca ynahueloquinpeuh in Michuaque canoço tlaximaloyan in hualmocuep auh amoçan quexquiechtin inpipilti in tlacahuan ynumpa omique, cequintin çan hualcholoque ic çan in huehuetiliz y nahmochi-cahuac y tech motlamia in cuicatl yequimahua huehuetlacatl intlatohuani chichicha.

---

*Tico tico tico tico tico tico tico tico tico.*

---

foca ompatla-  
toanintoca om-  
panomiquitque  
tlacahuan. Techtlahuan canotzque in Michhuacan in <sup>1</sup>*camacoyahuac* tihuitz-  
manato yetimexica tihihuintiqueo quen man inticauhque in <sup>2</sup>qua hue-  
huetzin yaotzin y yao ohuiya.

Quenmach in mochiuhque in Mexico in huehuetque xoxocomique aocacquittoa inyetiquinque queça ylamatzitzin chimalpopoca in Axayaca yio hahue yeticauh-que y mamocolto cacamaton y yaon ohuiya.

Tlahua noyan nontlacactica namocolton mononotztoque quauh huehuetque in tlacaelel cahualtzin quil mach aconihque iachcahuan concauhtiquizque teuh-tliyeuayan Mich vacan y yao &.

Anço oncan temactlanque cuecuxteca in tlatilolca noxhuihuan in çaquanzin yn ye tepantzin cihua cuecueltzin intzontecon yea ymelchiquihyca onteach-titoa xicaquican huee.

---

*Cototi, cototi, cototi, cototi, cototi, cototi, cototi.*

---

Tleinyequichihua in tequihuaque aocmomicitlani aocetla maznequi inoquimi-ttaque in yaohuan ymixpan pahualehua teocuitlalpepetzcatihuitzi çaquetzalpa-nitl y tlaxopalehuaya huiya amech ana hui ma amotzin ya xontlaçacan huee.

In macayehuantin telpopotzintinyehuan tlamacaznequi intlacaye huan y ancaçaoque tiquauh chocazque Ancaçaoque tocelo chocazque intiqua huehuet-que huiya amechana hui maamotzin ya xon tlaccacan huee.

Yio yahue yaonotlahueliltic in Axaya cuixyeno huehuevo inin netlaloliz in noquapilhuan huee.

Ayn macayehuatl in noxhuiuh can namech cahuzquia xochitl mantiuh huee icamomaquixtia in huitznahuatl yaotl huee.

---

*Tico & chicopa.*

---

Ahooyehee onontotolcatoc nontlatlatlaztoc, nonchichichatoc in namocolton in Axayaca huee.

Maximotlalican inantequihuahque amiyahque maytlecax ypan anhualcholo-tin an motlatizque ica an huetzi y chiquacol ynamocolton in Axayaca huee.

Ceçappa tetlaocoltehuetzquiti in yequichihua in yemexica noxhuihuan in omoxinque in mahuitica yniman ic onhuehueti y yeyahue chimalli xochitl tomac ommania huee.

Auh in nelli mexicana in noxhuihuan cecentepantica oontepantica in huehuet-tihuiy y yo yahue chimalli xochitl tomac ommania.

---

*Oc nochicopa, tica &.*

---

Quauhpetlapan ocelopetlapan onehuatica ina mocol in Axayaca contlachinol pipitztica ynitlecatzin mahuel yhuiquentelpopocatica huee.

Ohuaye ay ye aic cehuiz in chimaltica conehepehuitica tlacochtica in quixe-lotica ynitlecatzin manel yhuiquentel popocatica huee.

Inoc ton nemi huee tamocolhuan y patlahuac in fatlah in totlacoeh ictiqui mahuiltique in tonahuac onoque huee.

Tlaço ayaxcan in huehuetihua tlaço ayaxcan in huehueti çan yenica ninochoquilia namocol y naxayaca niquimilnamiqui no huehue icnihuan in cue-panahuaz, in tecale, in xochitlahuan, in yehuaticac maceme nican hualquiçacan cecenteuclipan momatico tinican chasco huee.

Quecizqui inquincuitihuetzi oyohualli yehuaya huee yequecizqui yncamila-catzoa teuhliye huaya huee.

Oho ehe çanamocanihuehuetzca namocol an mocihuatlauiz an mocihua chi-mal tequihuaque huee çaiuh xinencan huee.

## COCO CUICATL.

*Toco toco tiquiti tocon tiquitin toco toco tiquiti.*

Nompehua yaho nieucanitl nonitotia nitozquatectzin ayao.

Nicotlanehua nocuic noxochiuh ayoppa tlalticpac niqihthouaya nitozquatectzin ayao.

Çan no niaz ayao ohuaye yca nichocaya ay huaniyahua nocuic no xochiuh haa.

Nicuicanitlan anixochipaplotl ayanochoiuh tiaz teixpananipatlantiaz ay yahue ay huan niyahua nocuicnoxochiuh haa.

Oncayahue ay anepapan tototl moyahuatimani yluicaatl ymanca yectli yatlaytempa aya oncan niehua nocayehua notayohuan maxiyahui mochan aompa-yecuextlan ho hancaya huee.

Çan cayenocuic oncayahue haya cacalotlayehuaya niqehuaco yenican cili nihca huacaya teuciztli y tzatziya oncan niyehua mocha ic hua no ttayohuan maxiyahuiyan mochan ompaye cuextlan o han cay &.

Nitecpa tototl nehcoya nopinohua chalchiuhtlan nicmamaliypan niepohuaya yectlin nocuic çan niflah quecholtzin huelinon cuicaya teixpano.

Ompaye nihuitza çan caxiuhquilani çancanimaçatl canictzelohuaya noxochiuh o.

*Ti, titico, titico, tocotico, tocotocoti titico titico.*

Camach timitlaco ti niuctzin naanootzin chalchiuh neneya ayocnon mati yenochohan in yetoyao ohuaye nenachahuaya çan cayenonan.

Çani huetzcaya tinechaytta oquiche cihuatl mochan onicnequia manochan niyetoya oohuaye necha ahuaya çancayenonana.

Nanotzin campa quinehue yn manimiqui yn tinocihuapoya ayoc nel nicequia nechahuaya a çancaye nonan matel ytlaycaya a quinocaya ancaço ancan tlacaco niez tlacaco nietoz ha.

Ohuan catlatzihuiz noyoltinonan aqui huelamatia ahuil nemia yn machnel onicaquiça ycatinech ahuaya.

Yenahuilnemia çan catinonan ohuayae noquichin ye hehuaya açonittoloya cuix ninocaquia.

Yohuaya nichocaya oniye cihuatl niquetzal miyahua xoch ninahuilonicihuatl aya acanixtonaci çaniuhqui nimiquicin ma hay aya hoo huaye ninohuetzquilia aya ha ohua ha.

Quen tinocaya tiniuctzi ycanichocaya çaniuhqui nimiquicin ya haya ya oo ninohuetzquilia ya ha ohuaya.

Çanyeniquetzalxotzin aya ho ninotlaçotla niyectlo nicihuatl niqimahuaya niue huani cozca malintzin xiuhtlamiya hualtzin ye ahuil nemia quetzal quatequi yaoo yaoo haye.

Ya aya aya ha nanotinsonanon ohuaye maxiquimaya nicuihuani cozcamalintzin xiuhtlamiyahualtzin yea huilnemia quetzalquatequia &.

*Toco toco tico ticoti titico, titico, tocoti.*

Yahue aya çan nentlanati noyollo Nahuizotl ohuayee nichocaya canocuel niqimittaz inteteuctin neçahualeoyotla, Moteuçoma oacayahue aya. Oncayahue aya niteuctlapaliuhquetl huelin noncuicaya cozcahuimolihui niqehuaya ohuaye nichocaya canoc huel niqimittaz in teteuctin neçahualeoyotlan Moteuçoma o hancayahue aya.

Notemic ypan nihuiya miclanaya niqintlacayttac yn nachcahuan tlapalihuime ayntepiltzino in tlacahuapano cananemi moteyoya nahtitloya mocucayo nemia çan catenochtitlano han caya hue.

Içanichocao o ycanicotlamati nachcahuan tlapalihuime aintepiltzin cananemi moteyoya cana titoloya mocucayo nemiya çan catenochtitlan ho hancan yahue.

Huicalo nache huicalo noxo chihueyo nitlacahuapan yequitimalohua patlahuac aztatl yahaa.

Ocelo quauhtatzitziuh tezcaohuacatla moculiyatzin ya hao.

Nicocotzin niehcoya nooncuica niqimahuilohua yn tepilhuano o ay ye a ya hoo.

Cacalo xochitlo o cempohualxochitla niheaya niqimahuilohua intepillhuan no o.

*Toco toco toco tiliti tocotoco tiliti tocoti tocotitoto.*

Noncuica ehco mochan an nicuicanitl nicahuiltico nican in moteuçomayn çan nicyaitotia tocinpetlacotli ia yao ye haya hoo ohuayie aompa yenihuitz tlacpac yahualiuhcan çan nicyaitotia tocinpetlacotli ya hoo.

Pehualoya nican tziuhcohuac aniue huani naococo montoc yxochihuehueh ahaya nonahualah hanöyolquimatia ohuancaye nocuic çan nocon yayehuaya yca-

ya nompacua nipaalochoch mayanitlanaya noncuicaya ynoxochiyecolli ahuiliz nicmanaya no o cuica yhto huaya.

Iztleyeticchiuhque çan tiniuctzin ycaqualania ayanoquieh viyuh quinahtittatehque an nopilotzin maçan nicahuaya niccahua çan ti nonan aya noquichan.

Oqualli nechittaya çan cayecihuauh nehual motlali acatenpani achquen nonconchihuaz aya noquichin acaxochitlo ypan nomati ymac non cuetlahuix nechyacahuaz.

Xochinquahuil cueponia on quetzalli xelihua ça yconittotia nicuihua çancayenopilohua ho ha mayice ayoo ohuaya ni nocaya.

Quetzal coyolina huia cueponia topanamotecaya xochihui molihuia motzetzelo huaya a amaye ayiao haha mayie ayao ohuaya ninocaya.

*Cototi tocoti cotoquiti quiti quiti quiti tico tocoti.*

Mayapehualoya mayanequetzaloya nopinohua nao ohuaya ye ho huaya haye oya.

Inchoquiz xochitla ompixahua xochihuehetitlan necuicatiloaya ohuayie o huaye haya ha.

Tlaccpac tenantlanoo ye onpa nihuitzon ye nahuilnemia ni nihtohuaya yahua hiye yhuayhi yao ho, Aiztleintiquitohuaya ohuancatinonananoni cohuanentzin manonitia yahua yie yahuay iaoo.

Amayanantzin tocon huixanatia nicca quia cuicatlon manicoya ayao hay ha aya ayao haya.

Ahuia yeniquetzalxotzin ynonittotia.

*Toco toco tiquiti tiquiti toco toco tiquiti tiquiti.*

Onoyehcoctoxochiuh ohuaye cuicanitli ynoxochitl xiloxochitl nomac onmania ompa yenicutioya ocelo amatitla aya tlaccpac quauhtlan aya nicayatemo huioo.

Inica nictio caya aenicahuiliz noxochibuehueuh ompa yenicutioya.

Ocelo amatitlan tlaccpac quauhtlana nicayatemohuiao.

Tlaxon cuicatinocnihtzin nohuay iee Tlaxoconcaquican caniya cuicoya canon in caquitzia camontoc huehuetl noconcaquia anca Mexico tolamaz nicpiaco tepetl ohan caya hue.

Nichocaya an ni cuicanitl nocon caqui huehuetl comonia anca mexico tolamaz nicpiecon tepetl.

Yenoyehcoe noxochiuh ohuaye ni cuicanitl yeniquauhtzina huellin noncuicaya teyxpano o.

Quenhuel xompehua çan xontenahua nitlatzotzonquetl yeni quetzal ie çotzin aya ahaye ayiee nicnotlamatia maya motecan tohuehuetzin ayie aoo.

*Toco toco titi toco toco titi toco toco titi.*

Tlaltanayan atlatempan Moquetzaco xochitla xiatolomaz tlapitzaya nicozcatotl temac ninemi çancanicihuatlin ayao aye ancayahue aya.

Quemach ami ynoxochiuh que machami yenoenic tiquehuaco yenican çan chiauhzincó xiatolomaz tlapitzaya nicozcatotl temac ni nenemi çan canicihuatl &.

Tleypanontinechmati tinonan anca nicozcatli tinechtlatia anca yoccan ahuiliz tlamatiz noyoliol ycanichocaya.

Çan niyaçon antinech quixtlani tinonan anca nicozcatlan tinechtlatia anca yocan ahuiliztlamatiz noyoliol ycanichocaya.

Cecelia noyol nocon cacon huehuetl comonticaqui çanio ycaya yeompaqui yenojol cococuatli ayia nichampotzin notoncocihuatl manoquetzal manalli mayaypan niqih mana yn tolamazque ohaye ohaye.

Cayenotlapal cuetzino o oyenoçani quechquen aya aya nichanpotzin notonco cihuatl manoquetzal manalli maypan niqui nahua ynollamazme ohaye ohaye.

Ocelo amatitlan aya niqittoa yenoenic yenican niquetzalpetlatzin ayie ayie manequetzalo çan totata huanan.

Nichalchiuh neneihuatl yayie quilacatzohuaye nojol coyolxochitl in ayie maya nequetzaloya çantotatahuan a.

TOCH COCO CUICATL.

*Toco toco tico ticoti titico titico tocoti.*

Oncuicoya inixpan aya ye Santa Malia nopiloa manicya huicaya cho oquilloya ylacatzoa huicaloya nopetlacouh nic matentiaz choquiz xochitla nicahuatiuh çantocnomani nepapan xochitl mayaya huiche ontlamiz yailhuil oha cayahue.

Yanichocayn machnictlamicin nicuicanitl nepapan xochitl mayahuiche ontlamiz yailhuil o hacaya hue.

Ontlapal huiconticaca hui molihui molihuia quetzal izhuayoticac ni tzetzelo hua yxochi ye hehuan Dios aya hoo yo hoyo ohuaye.

